

The Wizard of Oz cu presentacion unico

ORANJESTAD- The wizard of Oz, e comedia musical lo presenta un biaha mas na Cas di Cultura dia 13 di september pa 5:30 di atardi, esaki ta segun un relato di prensa.

Segun e relato cu hopi exito dia 27 di mei cu a pasa a wordo presenta na Cas di Cultura, pa prome biaha e obra di literatura aki y e sala tabata yen caminda hendenan a gosa y hari for cuminsamento te na final.

Team artistico
Dicho relato ta subraya cu despues di varios luna di preparacion e tayer di Arte terapia "Crea y Siña" lo presenta e comedia musical hunto cu artistanan profesional manera, Faritha luidens, mas conoci como Tica basha abao. Den e comico rol di e bruha.

E ta representa e maldad di mundo, e mundo di scuridat cu ta purba pa destrui soñonan. Lukee Croes ta representa e Fairy, cu ta guia Dorothy pa haya e caminda pa bay bek cas. Fernando Luidens, lo interpreta e rol di shon bleki, ta buscando un curason pa asina por stima bek.

Ferdinand Franca, docente di



scol y conoci den nos comunidad pa su aportacion na folklore, segun e relato. Lo interpreta el rol di Wantomba, cu ta den busca di un cerebro pa asina solucionar e problemanan

di Aruba. Litja Osorio Leon Cobarde, cu ta hiba Dorothy y su amigonan traves di henter e mondi, buscando curashi. Angela Croes, conoci cantante Spaño cu ta desaroyando su habilidad nan den actuacion, ta interpreta e rol di Luna caminda e ta canta e cantica. "Somewhere over the rainbow".

Tambe ta hunga un segundo rol di shimarucu, interpre-



tando un cantica di su ultimo produccion musical.

Ta spierta Dorothy di e peligronan di e caminda di scuridat. Lyonel Dirks, ta representa e rol di The Wizard of Oz. E ta siña Dorothy su amigonan cu hopi biaha nos ta busca afo kico nos tin aden, tambe ta hunga e rol di Tio Henry. Rachel Alberga, ta interpreta e rol di Toto, e cachito inseparable di Dorothy, jui muhe di e directora y productor Patricia Tjon-Cabrera, cu ta representa e rol di Dorothy un mucha muhe cu den busca pa descubri cosnan nobo, ta pasa den diferente aventura y ta conoce hopi amigonan nobo, pero na final ta descubri cu a pesar cu bo por pasa leuk cu bo amigonan no tin nada mas dushi pa ta na cas. □

